

SCHOOL NA ARUBA

Historia ta conta cu te na aña 1816 no tabata existi ningun forma di enseñanza na Aruba, pues no tabata tin ningun school na Aruba.

Ta na aña 1822 Van Eekhout a cuminza cu e prome school cu 31 alumno.

Hopi di e mayornan no tabata manda nan yiunan school prome nan, ya cu e muchanan tabata keda cas y yuda cu e trabaonan di cas.

Masha poco hende tabata esnan cu por a papia of scirbi den e idioma Hulandes. Van Eekhout tabata duna su lesnan na Hulandes so.

Pader Serafin a yega Aruba na aña 1826 y tambe a cuminza duna les pero na Spaño. E tempo ey e hendenan a prefera di tuma les na Spaño cu na Hulandes. Den e añanan cu a pasa tabata tin diferente cambionan den enseñanza te cu na 1851 Pastoor Paulus y na 1853 Pastoor De Vries porfin a cuminza ripara cambionan grandi den e forma di enseñanza na Aruba.

Pastoor Paulus a traha na aña 1855 un school na Noord. Esaki a bira e prome school catolico di Aruba. E school aki a keda 4 aña na Noord y despues el a wordo cera atrobe. Tur e bankinan di e school aki a bay pa Oranjestad unda cu Kapelaan de Vries tabata dunando les.

Cu tempo a bini mas interes pa enseñanza. Na aña 1857 e prome zusteran Modesta y Casimire a yega Aruba.

Na final di aña 1909 a yega e zusteran di Rosendaal kendenan a biba cerca di unda tabata Maria Convent. Poco poco e cantidad di

estudiantenan tambe a cuminza subi. Na September di aña 1863 nan a traha un school mas grandi na Oranjestad. E school aki tabata situa na man drechi di misa Protestant na Playa. Akinan despues a keda situa Margrietschool y tambe, esnan cu ta corda aki tambe a bira nos Biblioteca Publico despues. Awendia ainda e edificio aki tey. Den e mesun aña Zuster Paschalia y Zuster Clara a cuminza cu nan school na Sta. Cruz, cual school tabata tin un total di 80 alumno despues di 7 aña. Na Oranjestad e tempo ey tabata tin 120 alumno.

Pastoor de Vries despues kier a habri un school na Sabaneta. E tempo ey tabata biba 335 hende na Sabaneta y un total di 40 mucha.

E school aki tambe a crece te cu e zusteran Franciscano van Roosendaal a tuma esaki over.

Na aña 1902 ya Aruba tabata tin 4000 mucha ta bayendo school. Dia 30 di November aña 1909 e zusteran Franciscano a bay for di Aruba. Na aña 1920 e Zusteran Dominicanessen ta yega y nan a bay biba na e klooster patras di e misa San Francisco.

Aki nan ta construi nan school cerca di e misa y klooster.

Na e otro banda di e misa nan ta construi e cas y school di e frerenan.

Na aña 1915 e frerenan ta tuma e school pa mucha hombernan over for di e zusteran Dominicanessen.

Asina e trabao di zuster y

frerenan a sigui crece riba nos isla. Nan a tuma e trabaonan di e diferente schoolnan riba nos isla pa nan. Pa motibo cu Noord tabata keda leu for di


Oranjestad e zusteran tabata wordo hiba tur Dialuna mainta cu cabay y kitoki (kitrin) garoshi cu ta core cu forza di cabay pa Noord y tabata bolbe Oranjestad

ariba Diabierna.

Cu yegada di e frerenan di Tilburg, Aruba a conoce su prome schoolnan di mucha homber y schoolnan di mucha muher.



Un bista unda awe ta Cristal Casino



Kapel di Alto Vista